

ԿԱՆՈՆԱԳԻՐ

ՀԱՅ ՈՐԲԱԽՆԱՄ ԸՆԿԵՐՈՒԹԵԱՆ

ԵՂ ԱՂԵՔՍԱՆԿՐԻՎ ԵՅ



Տպ. Զ. Պերպերեան

ՅԱՅՏԱՐԱՐՈՒԹԻՒՆ

— 0000 —

Այսօր, Ուրբաթ, 1916 Օգոստոս 18, ստորագրեալս
անգամներ Աղեֆանդրիոյ Հայ Գաղութին, կազմեցին
« Հայ Որբախնամ Ընկերութիւն » մը, նպատակ ունենա-
լով՝ մայրենի երկրին մէջ ջարդի ու սովի արհաւիրքնե-
րէն ճողոպրած հայ որբերուն անմիջական նպաստ հաս-
ցնել հետագայ կանոնագրին տրամադրութիւններուն համա-
ձայն:

ՅՈՎՀԱՆՆԷՍ ԱՔՏԱՐԵԱՆ

ԿԱՐԱՊԵՏ ԱՆԼԵԱՆ

ՊԵՏՐՈՍ ՄՈՒՂԱԼԵԱՆ

ԹՈՎՄԱՍ ԹՕՓՈՒԶԵԱՆ

ՅՈՎՀԱՆՆԷՍ ԿՈՒՏՍՈՒԶԵԱՆ

Աղեֆանդրիա

18 Օգոստոս 1916



Հ Ա Յ Ո Ր Բ Ա Խ Ն Ա Մ Ը Ն Կ Ե Ր Ո Ւ Թ Ե Ա Ն

Շ Ա Ղ Ե Բ Ս Ա Ն Դ Ր Ի Ա



ՅՕԴ. 1. — Հայ Որբախնամ Ընկերութեանս նպասակն է՝ ջարդին ու սովին արհաւիրքներէն նոյնպիսի հայ որբերուն անմիջական նպաստ հասցնել, ըլլայ Հայաստանի, ըլլայ Կիլիկիոյ մէջ:

ՅՕԴ. 2. — Աղեֆաանդրիոյ Հայ Որբախնամ Ընկերութիւնը կրնայ յարաբերութիւն մտակել Գահիրէի Միացեալ Որբախնամ Ընկ. հետ, պարբերական քղթակցութեամբ, խորհուրդներու փոխանակութեամբ եւ սարին գոնէ մէկ անգամ պատուիրակային ժողով մը գումարելով: Երկու հոյր հաստատութիւններ կրնան նոյն իսկ գործակցիլ՝ երբ մանաւանդ ըզձայի առիթը ներկայանայ յանուն Եգիպտոսահայ գաղութին միասնաբար Հայ Որբանոց մը հիմնելու հայրենի հողին վրայ:

ՅՕԴ. 3. — Հայ Որբախնամ Ընկերութիւնն ունի երկու մարմին. — Ընդհանուր Ժողով եւ Վարչական Ժողով:

ՅՕԴ. 4. — Ընդհանուր Ժողովը կը կազմեն երկսեռ անդամներ, որոնք ամիսը առնուազն երկու դահեկան ողջ եգ. բաժնեգին կը վճարեն:

ԾԱՆՅԹ. — Ընկերուհիները ընտրող միայն կրնան ըլլալ, իսկ օտարազգի անդամներ ոչ ընտրող եւ ոչ ալ

ընտրելի կրնան ըլլալ :

ՅՕԴ. 5. — Ընդհանուր ժողովի մէջ ձայն ունին անոնք միայն՝ որոնք իրենց բաժնեգիրքը կանոնաւորապէս եւ ամբողջովին վճարած են, իսկ նորագիրները եռամսեայ անդամակցութենէ ու վճարումէ յետոյ միայն կրնան ձայն ունենալ:

ՅՕԴ. 6. — Ընդհանուր ժողովին պարտականութիւններն են՝

Ա. Ընտրել վարչական ժողովը,

Բ. Ընդունիլ անոր տարեկան տեղեկագիրն ու հաստատել հաշիւները,

Գ. Վերաբնենլ կանոնագիրը:

ՅՕԴ. 7. — Ընդհանուր ժողովը կ'ունենայ իր Գիւմար, որուն հրաւիրագրովն ու լրագրական ծանուցումովը տեղի կ'ունենան տարեկան նիստերը: — Նիստերը օրինաւոր կը նկատուին՝ երբ երկուսն անդամներուն կէսէն մէկ աւելի ներկաներ գտնուին:

ՅԱՆՅԹ. — Ա. Եթէ առաջին եւ երկրորդ հրաւերով մեծամասնութիւն չգոյանայ՝ երրորդ հրաւեր (ու ծանուցում) մը եւս կ'ըլլայ, որ ասէն նիստը օրինաւոր կը նանչցուի՝ եթէ առնուազն « 10 » անդամներ ներկայ գտնուին անձամբ:

Բ. Որոշումները կը տրուին մեծամասնութեան ձայնով միայն:

Գ. Ընտրութիւնները կը կատարուին գաղտնի փուտով:

Դ. Ընդհանուր ժողովի դիւանին պատշօնը կը տեւէ երկու տարի եւ անդամները վերընտրելի են:

ՅՕԳ. 8. — Վարչական ժողովը կը բաղկանայ հինգ անդամներէ, եւ կ'ունենայ իր Ասենապետը, Փոխ-Ասենապետը, Ասենադպիրը, Գանձապետը եւ Խորհրդականներ :

ԾԱՆՅԹ. — Անհրաժեշտ դատուած պարագային միայն՝ Վարչական ժողովը կը նշանակէ երկու Խորհրդականներ՝ ընտրութեանց միջոցին առաւելագոյն բուէ շահողներէն, որոնք միւս անդամներուն հետ հաւասար իրաւունքներ կ'ունենան եւ որոնց ընտրութիւնը պատշտօնագրով մը կը ծանուցանէ Ընդհ. ժողովոյ ղիւանին: Նոյնը տեղի կ'ունենայ նաեւ անդամներու հրաժարումի պարագային :

Հիմնադիր Վարչական ժողովը եւս ի պահանջել հարկին կրնայ իր թիւը 7 ի բարձրացնել՝ իր անդամաց միահաղոյն հաւանութեամբ :

Բ. Վարչական ժողովը իրաւունք ունի աշխոյժ երկսեռ հայերէ ընտրելու Օժանդակ Յանձնախումբեր՝ նպաստի գործը բեղմնաւորելու համար, ներկայացումներով, երեկոյթներով, հանդեսներով, ձեռագործով, պազարով, եւն. եւն. :

ՅՕԳ. 9. — Վարչական ժողովի պատրաստականութիւններն են՝

Ա. Կանոնաւոր կերպով գումարել իր նիւսերը, ամիսը առ նուազն անգամ մը, միշտ մեծամասնութեան ներկայութեամբ ,

Բ. Որոշումներն ու մուտքի եւ ելքի հաշիւները արձանագրել ընկերութեան տնօրէններուն մէջ ,

Գ. Ընտրել Օժանդակ Յանձնախումբեր ,

Գ. Հսկել կանոնագրին գործադրութեան եւ գործին բարգաւանումին վրայ,

Ե. Տարեկան տեղեկագիր եւ հաշուեկէիռ մասուցանել Ընդհ. Ժողովին՝ երկու օրինակի վրայ, որոնք Ընդհ. Ժողովէն ընդունուելէ յետոյ կը մասուցուին առ ի վաւերացումն Ազգ. Առաջնորդարանին, որուն հսկողութեան ենթարկուած են ընկերութեանս բոլոր հաշուական գործաւորութիւնները,

Զ. Ըստ այսմ Ընկերութեանս բոլոր հաշուական եւ ասեմագրական տոմարները տեղուոյս Ազգ. Առաջնորդարանէն նախպէս դրոշմուած եւ թուագրուած ըլլալու են:

ՅՕԳ. 10. — Վարչական Ժողովին տրջանն է երկու տարի, անդմենքը կրնան վերընտրուիլ, իսկ հինգէն երկուէր (եօթը ըլլալու պարագային՝ երեքը) անպայման ընտրուելու են:

ԾԱՆՈԹ. — Սոյն յօդուածը վաւերական է նաեւ Ընկերութեանս հիմնադիր՝ անդրանիկ Վարչական Ժողովին համար:

ՅՕԳ. 11. — Հայ Ռեբախեամբ Ընկերութեան հասոյթի ապրիւրներն են՝

Ա. Ընկերներու բաժնեգիրներ,

Բ. Կամաւոր կամ տոմսաւոր նուէրներ եւ կտակ,

Գ. Վիճակահանութիւն,

Դ. Սինեմա եւ թատերական ներկայացում,

Ե. Գրական եւ գեղարուեստական երեկոյթ, դաշտահանդէս,

Զ. Գրոյիներու հրատարակութիւն եւ վաճառում եւն:

ՅՕԴ. 12. — Ընկերութեանս ամեն կարգի հասոյթները կը գանձուին Տպեալ, բուազրեալ եւ բունաւոր ընկալաւորեալ, որ կը կրեն Վարչա՛յան Ժողովին Ասենապետին եւ Գանձապետին ստորագրութիւնները եւ Ընկերութեան կնիքը : — Ծախքերը պէտք է ունենան արդարացուցիչ ստացականներ :

ՅՕԴ. 13. — Վարչական Ժողովը իր հաւաքած նպասքը պարբերաբար եւ անյապաղ Ազգ. Առաջնորդարանի ձեռամբ Վեհ. Կաթողիկոսին կը հասցնէ՝ նպասակին յատկացուելու համար :

ԾԱՆՅԹ. — Վարչական Ժողովը պարտաւոր է տարին գոնէ մէկ, ստառաւելն երկու պարգեւաւոր « Եգիպտական Գրեթի-Ֆոնսիք » ի արժեթուղք գնել եւ Ազգ. Առաջնորդարանի յանձնել ի պահ : Արժեթուղքերու եւ անոնց հաւանական պարգեւներու գործածումը Ընդհ. Ժողովին որոշումին վերապահուած է, միշտ նպասակին յատկացուելու հասկացողութեամբ :

ՅՕԴ. 14. — Ընկերութիւնս քեւել իր պատճօնին բնութեամբ մնայուն հանգամանք ունի, սակայն լուծուած կը նկատուի երբ անդամներուն թիւը տասնէն պակաս ըլլայ : Այս պարագային Աղեփասնորիոյ Հայոց Առաջնորդարանը՝ Ընկերութեան գոյքը հնչուն դրամի վերածելով Վեհափառ Կաթողիկոսին ձեռամբ կը յատկացնէ դարձեալ նպասակին :

ԾԱՆՅԹ. — Ընկերութիւնս լուծուելու պարագային Ազգ. Առաջնորդարանը իրաւունք ունի պահանջելու Ընկերութեան տնտեսութեան ու բուղքերը եւ բոլոր գոյքերը,

որու մօտ որ գտնուին, եւ պահելու զանոնք իր մօտ :

ՅՕԴ. 15. — Վարչական ժողովը գրական, հաւաքչական եւ այլ աշխատութեանց համար կրնայ ունենալ վճարեալ պաշտօնեայ :

ՎԵՐԱՔՆՆՈՒԹԻՒՆ

Ներկայ կանոնագիրը, երբ հարկ տեսնուի, կրնայ վերաբնութեան ենթարկուիլ երկու տարի յետոյ, հիմնական նպատակը անփոփոխ պահելու պայմանով : Ո եւ է փոփոխութիւն, յապաւում կամ յաւելում Ազգ. Առաջնորդարանին կը հաղորդուի ՚ի հաստատութիւն : Մինչեւ այս հաստատութեան պաշտօնագրին ժամանումը հին կանոնագիրը կը պահէ իր ուժը :

18 Օգոստոս 1916

Աղեփաանդրիա

Անդամք հիմնադիր անդրանիկ
Վարչական ժողովոյ

ՅՈՎՀԱՆՆԷՍ ԱՔՏԱՐԵԱՆ

ԿԱՐԱՊԵՏ ԱՆՆԵԱՆ

ՊԵՏՐՈՍ ՄՈՒՂԱԼԵԱՆ

ԹՈՎՄԱՍ ԹՕՓՈՒՋԵԱՆ

ՅՈՎՀԱՆՆԷՍ ԿՈՒՏՄՈՒՋԵԱՆ

Աղեփաանդրիոյ « Հայ Որբախնամ Ընկերութեան »
սոյն Կանոնագիրս Պատ. Քաղաքական ժողովոյ Սպտ. 6 ի

նիստին մեջ նկատողութեան անուամբ եւ վաւերացուած
ըլլալով, կ'յանձնենք եւ կ'յանձնարարենք օրհնութեամբ ՚ի
գործադրութիւն :

Առաջնորդ Հայոց Եգիպտոսի
ԹՈՐԳՈՄ ԵՊԻՍԿՈՊՈՍ ԳՈՒՇԱԿԵԱՆ
(Կ Ն Ի Ք)

(Կ Ն Ի Ք)

ԱՌԱՋՆՈՐԴԱՐԱՆ ՀԱՅՈՑ
ԱՂԵՔՍԱՆԴՐԻԱ

